

05/10/2001

KWSP perlu terus bina kekuatan sendiri: PM

SEBAGAI pencarum KWSP, saya sedar akan kepentingan menyimpan," kata Perdana Menteri, Datuk Seri Dr Mahathir Mohamad sempena ulang tahun ke-50 Kumpulan Wang Simpanan Pekerja (KWSP) 1 Oktober lalu.

Dalam satu wawancara sempena ulang tahun itu, Dr Mahathir berkata, beliau percaya KWSP adalah institusi yang berjaya mengukuhkan dirinya sendiri dan beliau berharap ia akan mempunyai fungsi berterusan pada masa depan.

Bagaimanapun, beliau berkata, KWSP seharusnya tidak tersasar daripada matlamat utama - untuk menyediakan pendapatan persaraan kepada anggotanya - meskipun ia menilai semula fungsinya dalam masyarakat dari semasa ke semasa dan menangani cabaran yang dihadapi berikutan pertambahan penduduk yang semakin tua. Berikut adalah sedutan wawancara itu.